

1 **A la tschinta da transport**

2 «La tschinta da transport maglia glied e spid'ora autos», m'ha ditg in student che ha
3 sez lavurà lung temp a la tschinta da transport. Co quai saja manegià, hai jau prest
4 pudì sentir. Mintga minuta e mesa è in auto finì rudlà da la tschinta. Jau sun vegnì
5 engaschè per il davos sectur da la tschinta. Jau stoss curreger pitschens sbagls da
6 lac ch'i dat anc vi da mintga vehichel. «Quai n'è nagut aparti», pens jau a
7 l'entschatta, cur che jau ves quant plaun che la tschinta sa mova.

8 Ina dunna m'introducescha en la lavur. Ella è gia quatter onns a la tschinta e fa sia
9 lavur «sco en sien», sco ella di sezza. Ils tratgs da sia fatscha s'èn endirids sco tar in
10 um.

11 Avrir la porta sanestra, colurar la pitga tranter las portas. Colurar da nov il scharnier
12 isà. Trair ora il moni dal viertgel dal sfradentader (quel è savens bloccà). Avrir il
13 viertgel dal motor. Colurar il numer da seria cun lac. La porta dretga tuttina sco la
14 sanestra. Avrir la valischera e tschertgar eventuels sbagls da lac. Latiers far adatg
15 dad auters sbagls ch'ins chatta adina, sch'ins examinescha cun atenziun. Lavurar
16 cun dus penels. Il grond per la pitga ch'è mez zuppada da la porta da l'auto e ch'ins
17 contanscha be malamain; il pitschen per cuvrir ils pli pitschens sbagls da lac. Quai
18 dovra il pli bler temp. Ultra da quai adina puspè curren enavos tar la cuppa cun il lac,
19 nettegiar ils penels e midar la colur, pertge ils autos arrivan sin la tschinta en tuttas
20 colurs ed in tranter l'auter. Latiers nudar mes numer da controlla sin mintga circulara
21 dals autos.

22 Anc lavurain nus en dus. Jau na chapesch betg co la dunna e vegnida a fin tut
23 suletta. Suenter dus dis d'introducziun vegn la dunna occupada cun lavar autos. Da
24 quai n'è ella tuttavia betg cuntenta. Ella ha tema per ses mauns che vegnan
25 donnegiads dal benzin. Nagin dentant che s'interessa per quai. Il schef la
26 guntgescha.

27 Jau la dumond, sch'ella na sappia betg sa drizzar ad in um da confidenza. Ella na sa
28 dentant nagut da l'esistenza d'in tal um.

29 Jau na vegn betg a fin sulet cun la lavur. Jau surve pitschens sbagls da lac, ins ha
30 dentant pazienza cun mai. «Cun il temp vegn quai bain ad ir meglier».

31 Punct las 15.10, la tschinta sa metta en moviment. Suenter trais uras sun jau mez be
32 anc ina tschinta. La tschinta sa mova en in cuntin sco da tschitschar tutta energia or
33 da mai.

34 Sche la tschinta stat ina giada salda in mumentin, è quai sco ina deliberaziun. Tant
35 pli spert sa metta ella suenter en moviment, almain ma para quai uschia. Sco sch'ella
36 stuess prender suenter il temp manchentà.

37 La lavur a la tschinta è sco da nudar cunter in flum. Ins noda in tochet dal flum si.
38 Quai è necessari, sch'ins sto ir ina giada sin tualetta u sch'ins vul laschar vegnir or da
39 l'automat visavi ina cola u in café. Per trais u quatter vehichels pon ins lavurar
40 ordavant. Suenter vegn ins segiramain stumplà u stuschà enavos. Il Jens da la
41 tschinta daspera, 49 onns, sa regorda dals temps passads: «Gea, lura gieva quai pli
42 pacific a la tschinta da transport. Nua che trais lavuravan antruras vi d'ina tschinta,
43 èn oz quatter vi da duas. Mintgatant vegn il survegliader cun l'ura da stop ed ans
44 observa dascusamain. Jau enconusch dentant quel. Lura sai jau: Bainprest vegn in
45 puspè relaschà u ch'i dat dapli lavur.»

46 Il Jens na sa lamenta dentant betg. «Ins sa disa. Il principal è che jau saja saun. E
47 mintg'emna in pèr buttiglias biera.» Mintga di suenter la midada da squadra a las
48 23.40 fa el anc varsaquantas uras supplementaras e scua cun dus auters nossa part
49 da la halla. Suenter otg uras sun jau a fin cun mias forzas. Il servetsch da la damaun
50 duai esser meglier, m'han ins ditg. «Cun il temp sa dis'ins vi da tut»... Quels che
51 lavuran davant e davos mai a la tschinta n'enconusch jau betg. Jau na sai er betg tge
52 ch'els fan. Mintgatant ans scuntrain nus en il medem auto a la tschinta. Els n'èn betg
53 vegnids a fin cun la montascha entaifer lur sector e vegnids stuschads en mes revier
54 - u il cuntrari. Lura essan nus en ils pes in a l'auter. In ha serrà l'isch cun in sfratg en
55 mes dies, u che jau hai spons lac ad el giu per la vestgadira. Sa stgisà na vegn betg
56 qua. Mintgin è talmain occupà cun il ses ch'el surveva l'auter.

57 Quai che mazza vi da la tschinta è la lavur monotona, da na pudair sa fermar in
58 mument, da sa sentir dal tutfatg sclav da la tschinta da transport. Il temp passa
59 terribel plaun perquai ch'el n'è betg emplenì. El para vid, perquai ch'i na succeda
60 nagut ch'avess da far insatge cun la vita reala. Mintga diesch minutas in sguard sin
61 l'ura en la halla. Sche la tschinta sa fermass almain mintg'ura per varsaquantas
62 minutas. Alura ins avess almain in mument da trair il flad. Il temp da las 6.40 fin a la
63 pausa da mezdi a las 12 e da las 12.30 fin a la midada da squadra a las 15.10 è
64 memia lung...

65 Er suenter las emprimas quatter emnas na sun jau betg disà vi da la lavur a la
66 tschinta da transport. A la fin dal servetsch sun jau mintgamai mez mort. En il bus
67 dals lavurers plain da schluppar ma durment jau bunamain sin pe. Schizunt il
68 temperament dals lavurers talians ch'è uschiglio strusch da franar, è ussa stizzà e
69 davent. La vitgira umana en il bus è mita ed apatica.

70 A chasa dovrel jau uras per m'adattar da la lavur al temp liber. Otg uras sun jau stà

71 ina roda en il manaschi a la tschinta, uss vi jau finalmain esser in carstgaun. Cur che
72 jau sun sunter trais uras pli u main sa revignì, èsi memia tard per cumenzar insatge
73 cun la «saira sontga».

74 Las duas uras da las 19 fin a las 21 èn be in mument per trair flad, per puspè
75 recuperar las forzas per la squadra da la proxima damaun. La sien da las 21 fin a las
76 5 dovrel jau malamain per quest intent. Questa lavur monotona renda mai pli e pli
77 apatic. Forsa è quai la disa. Mess sut sco in animal al ritmus da las squadras che
78 midan, sun jau qua be pli per lavurar. Mangiar, baiver e durmir be per mantegnair la
79 forza da lavur. Quai che tanscha surora è in luxus, ch'ins na po betg sa prestar
80 savens tar questa lavur.

Tenor: Günter Wallraff/Ignaz Cathomen



Suttascripziun candidata / candidat:

Lieu / data:

Rumantsch grischun

Puncts total: 100

Durada: 90 minutas

A. Chapientscha dal text:	25	B. Produenziun da text:	25
C. Vocabulari:	25	D. Grammatica:	25

Vegn emplenì dals magisters che curregian

Correctura	data:	visum:	puncts:
A. Chapientscha dal text			
B. Produenziun da text			
C. Vocabulari			
D. Grammatica			
puncts cuntanschids total ►			

Controlla	data:	visum:	puncts:
A. Chapientscha dal text			
B. Produenziun da text			
C. Vocabulari			
D. Grammatica			
puncts cuntanschids total ►			

Controlla posteriura	data:	visum:	puncts:
A. Chapientscha dal text			
B. Produenziun da text			
C. Vocabulari			
D. Grammatica			
puncts cuntanschids total ►			

1. Chapientscha dal text

1.1. Dumondas pertutgant il text

Respunda uschè exact sco pussaivel a las suandantas dumondas che stattan en connex cun il text che ti has legì.

Per mintga punct stos ti chattar e nudar in argument!

*Adatg! Las respostas ston vegnir formuladas cun **frases entiras!***

1. Tge lavur principala fa la persuna che raquinta (il protagonist) a la tschinta da transport?

1 p	
-----	--

2. Pertge sto il protagonist adina puspè midar la colur?

1 p	
-----	--

3. La dunna che introducescha il protagonist en la lavur fa tut "sco en sien" (guarda lingia 9). Explitgescha tge che quai vul dir.

1 p	
-----	--

--

4. Pertge na vul la dunna, ch'introducescha il protagonist, betg far la nova lavur?

2 p	
-----	--

5. Pertge na vul il schef betg entupar la dunna suenter ch'ella ha stuì midar lavur?

1 p	
-----	--

6. Tge sto vegnir fatg, sch'insatgi sto ir sin tualetta e cun tge cumpareglia il protagonist la consequenza che sa resulta?

2 p	
-----	--

7. Tge fa exactamain il survegliader?

1 p	
-----	--

8. Pertge s'entaupan dus ni plirs lavurers en in auto?

1 p	
-----	--

--

9. Tge "mazza" (guarda lingia 57) il protagonist vi da sia lavur a la tschinta?
Numna almain trais aspects.

3 p	
-----	--

10. Tge di il protagonist davart il temperament dals lavurers talians?

1 p	
-----	--

11. Quantas uras lavura in lavurer exactamain, cura ch'el lavura durant la squadra da la damaun?

1 p	
-----	--

12. "La tschinta da transport maglia glied e spid'ora autos." (lingia 2) Tge vul quai dir?

1 p	
-----	--

--

13. Constatan las suandantas pretensiuns tenor il text che ti has legì? Inditgescha schebain las singulas pretensiuns qua sut èn gistas, falladas, u sch'ins na chatta nagina resposta en il text (betg cler). Ti dastgas far mintgamai mo ina crusch per lingia.

		gist	betg cler	fallà
a)	La dunna che introducescha il protagonist en la lavur ha ina fatscha cun tratgs masculins.	<input type="checkbox"/>	<input type="checkbox"/>	<input type="checkbox"/>
b)	La dunna, che introducescha il protagonist, recloma tar in um da confidenza.	<input type="checkbox"/>	<input type="checkbox"/>	<input type="checkbox"/>
c)	La tschinta n'è anc mai stada salda.	<input type="checkbox"/>	<input type="checkbox"/>	<input type="checkbox"/>
d)	Mintgin sto lavurar otg uras per di.	<input type="checkbox"/>	<input type="checkbox"/>	<input type="checkbox"/>
e)	Il protagonist enconuscha fitg bain ils collegas che lavuran a la tschinta.	<input type="checkbox"/>	<input type="checkbox"/>	<input type="checkbox"/>
f)	La fabrica transportescha ils lavurers cun in bus.	<input type="checkbox"/>	<input type="checkbox"/>	<input type="checkbox"/>
g)	Il protagonist sto star mintga di sin pe en il bus.	<input type="checkbox"/>	<input type="checkbox"/>	<input type="checkbox"/>
h)	Il protagonist lavura gia blers mais a la tschinta.	<input type="checkbox"/>	<input type="checkbox"/>	<input type="checkbox"/>
i)	Il protagonist dorma normalmain circa otg uras.	<input type="checkbox"/>	<input type="checkbox"/>	<input type="checkbox"/>

9 p	
-----	--

Chapientscha dal text: 25 p	
------------------------------------	--

--

3. Vocabulari

I suondan varsaquantas dumondas da vocabulari.

3.1. Sinonims

*Inditgescha mintgamai **in sinonim (mo in pled!)** per ils suandants plets or dal text, uschia ch'il text resta correct! (exempel: martgà = fiera, magher = satig!)*

1. (lingia 5) engaschar _____
2. (lingia 6) aparti _____
3. (lingia 15) examinar _____
4. (lingia 25) schef _____
5. (lingia 36) manchentar _____
6. (lingia 48) varsaquants _____
7. (lingia 59) succeder _____

7 p	
-----	--

3.2. Antonims

*Numna mintgamai **in antonim (mo in pled!)** per ils plets inditgads (exempel: grond ≠ pitschen, citad ≠ vischnanca; **betg lubi: grond ≠ betg grond**).*

1. (lingia 7) entschatta _____
2. (lingia 11) avrir _____
3. (lingia 46) saun _____
4. (lingia 50) meglia _____
5. (lingia 56) mintgin _____
6. (lingia 57) monoton _____
7. (lingia 57) sa fermar _____
8. (lingia 78) mantegnair _____

8 p	
-----	--

--

3.3. Explicaziun da peds

*Explitgescha cun **construcziuns entiras e correctas** las suandantas expressiuns che cumparan en il text. Per l'explicaziun na dastgas ti betg duvrar il pled sez!*

1.	(lingia 1)	tschinta (da transport)	<hr/> <hr/> <hr/> <hr/>
2.	(lingia 4)	sentir	<hr/> <hr/> <hr/> <hr/>
3.	(lingia 39)	automat	<hr/> <hr/> <hr/> <hr/>
4.	(lingia 53)	sectur	<hr/> <hr/> <hr/> <hr/>
5.	(lingia 68)	temperament	<hr/> <hr/> <hr/> <hr/>

10 p	
------	--

 Vocabulari 25 p	
--	--

--

4. Grammatica

I suondan varsaquants pensums da grammatica.

4.1. Transformaziun da plects

Inditgescha la furma giavischada dals plects inditgads.

*Per ils adjectivs sco furma giavischada vala: **Ti na dastgas betg inditgar la furma dal particip** (cumond: cumandà, cumandont).*

pled	furma giavischada	
1. spulvrrar	substantiv	
2. negligent	verb	
3. curreger	adjectiv	
4. mantegnair	substantiv	
5. la successiun	adjectiv	
6. disponer	substantiv	
7. l'idiot	adjectiv	
8. la destrucziun	adjectiv	
9. la disditga	verb	
10. supplementar	substantiv	

10 p

--

4.2. Furma dal verb

Transpona ils verbs en la furma correcta (preschent, imperfect, perfect, conjunctiv, cundiziunal) sco en l'exempel da l'emprima construcziun!

Cur che (avoir, jau) **jau aveva** sis onns,
(vesair, jau) 1 ina giada in
grondius dissegn en in cudisch sur da la
tschungla. Il cudesch (avoir) 2
..... num: „Istorgias vividas“ ed
il dissegn (mussar) 3 ina
boa che (tragutter) 4 in
animal selvadi. Qua sura (vesair, vus) 5



ina copia dal dissegn.
En il cudesch che jau aveva legì (star) 6 scrit: „Las boas maglian lur
preda entira ed entratga, senza mastgar. Suenten n'èn ellas betg pli bunas da sa
mover e dorman sis mais per digerir.“

Lura (studegiar, jau) 7 lung e lad sur da las aventuras da la tschungla
ed a la fin finala (esser, jau) 8 bun da far cun ina color mes emprim
dissegn. Mes dissegn numer 1. Quel (esser) 9 uschia:



In bel di (mussar, jau) 10 mia ovra d'art als creschids e(d) (dumandar,
jau) 11 sche mes dissegn als (far) 12 tema. Els
(responder) 13 : «Pertge (avoir) 14 in chapè da far
tema?»

Ma mes dissegn (betg represchentar) 15 in chapè. El (mussar) 16
..... ina serp che (digerir) 17 in elefant. Per ch'ils creschids
(esser) 18 abel da chapir mes dissegn (dissegnar, jau) 19
..... l'intern da la boa. Er ozendi (esser, i/igl) 20 oramai

uschia ch'ils creschids (avair) 21 adina basegn ch'ins (declerar) 22
..... tut.

Mes dissegn numer 2 (esser) 23 uschia:



Ilis creschids ma/m' (cussegljar) 24 da laschar star ils dissegns da
serps avertas u serradas e da m'interessar plitost per la geografia, l'istorgia, ils quints
e la grammatica. Uschia, cun sis onns, (chalar, jau) 25 da dissegnar e
(manchentar, jau) 26 tras quai ina grondiusa carriera da pictur.

Jau (stuair) 27 tscherner in auter mastern e(d) (emprender, jau) 28
..... da pilotar aviuns. Jau (sgular) 29 per tut il mund
enturn. E la geografia, quai stoss jau laschar valair, m'ha gidà propi fitg. Cun
l'emprima egliada (esser, jau) 30 bun da distinguer tranter la China e
l'Arizona.

Durant tut mia vita ha jau gè blers contacts cun ina massa glieud seriusa. Jau hai vivì
bler cun ils creschids ed hai tras quai als pudì observar fitg bain. Ma l'impressiun che
jau aveva n'è betg vegnida blier meglra.

10 p	
------	--

--

4.3. Ortografia

Sutvart chattas ti ina glista cun expressiuns. Varsaquantas da quellas expressiuns èn scrittas endretg, autras èn scrittas fauss.

Fa ina crusch (x), sche l'expressiun è scritta endretg. Sche l'expressiun è scritta fauss, stos ti scriver ella endretg da vart dretga.

		Correct?	Curregia qua las expressiuns ch'èn scrittas fauss!
1.	puspe	<input type="checkbox"/>	
2.	megler	<input type="checkbox"/>	
3.	conabitant	<input type="checkbox"/>	
4.	stgalla	<input type="checkbox"/>	
5.	chapibel	<input type="checkbox"/>	
6.	uffizi	<input type="checkbox"/>	
7.	ladeza	<input type="checkbox"/>	
8.	gaglina	<input type="checkbox"/>	
9.	Nus essan ì.	<input type="checkbox"/>	
10.	las personalias	<input type="checkbox"/>	

10p : 2 = 5p

 **Grammatica 25 p**

--